



otpanews.kz

1973 ЖЫЛДЫҢ 13 СӘУІРІНЕН ШЫҒА БАСТАДЫ

МАҢҒЫСТАУ

Kaspi Bank
арқылы жазылу

№15 (10522) 26 АҚПАН, БЕЙСЕНБІ, 2026 ЖЫЛ

ОБЛЫСТЫҚ ҚОҒАМДЫҚ-САЯСИ ГАЗЕТ

15 НАУРЫЗ
МАРТА
РЕФЕРЕНДУМ
Әрқайсымыздың дауысымыз маңызды!
Важен голос каждого из нас!

www.election.gov.kz

МЕМЛЕКЕТТІК ҚОЛДАУ ЖАҢА ЖОБАЛАРҒА ЖОЛ АШТЫ



МАҢҒЫСТАУ ӨНІРІНДЕ КӘСІПКЕРЛІКТІ ҚОЛДАУ НАҚТЫ НӘТИЖЕСІН БЕРІП КЕЛЕДІ. СОҢҒЫ ЖЫЛДАРЫ АЙМАҚТА БАРЛЫҒЫ 13,9 МЫҢ ЖОБАҒА 677,3 МИЛЛИАРД ТЕНГЕ КӨЛЕМІНДЕ ҚАРЖЫЛАЙ ҚОЛДАУ КӨРСЕТІЛГЕН. ТЕК 2025 ЖЫЛДЫҢ ӨЗІНДЕ 564 ЖОБА 70,5 МИЛЛИАРД ТЕНГЕГЕ ҚАРЖЫЛАНДЫРЫЛЫП, ЖҮЗДЕГЕН КӘСІПКЕР ӨЗ БАСТАМАСЫН ЖҮЗЕГЕ АСЫРУҒА МҮМКІНДІК АЛДЫ. БҰЛ КӨРСЕТКІШТЕР ӨНІР ЭКОНОМИКАСЫНДА ШАҒЫН ЖӘНЕ ОРТА БИЗНЕСТІҢ ҮЛЕСІ АРТЫП КЕЛЕ ЖАТҚАНЫН АҢҒАРТАДЫ.

Қаржылай қолдау тетіктері мемлекет тарапынан жүйелі түрде іске асырылып жатыр. Әсіресе «Даму» кәсіпкерлікті дамыту қорының бағдарламалары өнір бизнесінің тынысын кеңейтті. Қор жанынан құрылған кепілдік беру құралдары кәсіпкерлерге банктік несиелерге қол жеткізуді жеңілдетсе, «Өрлеу» және «Іскер аймақ» бағдарламалары жеңілдетілген әрі қолжетімді қаржыландыру көздерін ұсынуда. Бұл бастамалар жаңа өндірістердің ашылуына, жұмыс орындарының құрылуына және салық базасының кеңеюіне ықпал етеді.

Кәсіпкерлікті қолдау шаралары Қазақстан Республикасы Үкіметі тарапынан тұрақты бақыланады. Сонымен қатар ұлттық даму институттарын біріктіретін «Бәйтерек» холдингі арқылы бизнес жобаларды субсидиялау, кепілдендіру және инвестициялық қолдау механизмдері іске

асырылып келеді. Сарапшылардың пікірінше, мұндай кешенді қолдау экономиканы әртараптандыру үдерісін жеделдетеді.

Өнір басшысы Нұрдәулет Қылыбай соңғы жылдары халықтың кәсіпкерлікке деген қызығушылығы айтарлықтай артқанын атап өтті. Егер бұған дейін аймақ экономикасы негізінен мұнай-газ секторына тәуелді болып келсе, бүгінде логистика, ауыл шаруашылығы, туризм, қызмет көрсету салалары қарқынды дамып келеді. Әсіресе Каспий маңындағы көлік-логистикалық әлеуетті пайдалану, агроөнеркәсіптік жобаларды іске қосу және ішкі туризмді дамыту бағыттары стратегиялық басымдыққа айналған.

– Бүгінде халық мұнай саласына ғана сүйенбей, шағын және орта бизнесті дамытуға бет бұрып отыр. Бұл – өнір экономикасының тұрақтылығы мен жаңа жұмыс орындарының көбеюіне негіз болады. Осы уақытқа дейін көрсетілген қолдау үшін алғыс білдіреміз. Алдағы уақытта да халық игілігі үшін бірлескен жобаларды нәтижелі жүзеге асырамыз деп сенемін, – деді Нұрдәулет Қылыбай.

Ресми деректерге сәйкес шағын және орта бизнес субъектілерінің өнірлік жалпы өнімдегі үлесі жыл сайын өсіп келеді. Бұл – мемлекеттік бағдарламалардың тиімділігін көрсететін маңызды көрсеткіш. Кәсіпкерлерге берілетін субсидиялар мен кепілдіктер өндіріс көлемін арттыруға, жаңа нарыққа шығуға және технологиялық жаңғыртуға жол ашады.

Кездесу қорытындысында тараптар кәсіпкерлікті қолдау бағытындағы ынтымақтастықты одан әрі күшейтуге уағдаласты. Сарапшылардың айтуынша, мемлекеттік қолдау мен жергілікті бастамалардың үйлесімі сақталған жағдайда Маңғыстау өңірі алдағы жылдары экономиканың әртараптандырылған әрі тұрақты моделіне қадам басады.

«Маңғыстау» ақпарат.

• ТАҒАЙЫНДАУ

МӘЛІК ӘБДІҚАДЫРОВ МАҢҒЫСТАУ ОБЛЫСЫ ӘКІМІНІҢ ОРЫНБАСАРЫ БОЛЫП ТАҒАЙЫНДАЛДЫ



ҚР ПРЕЗИДЕНТІ ӘКІМШІЛІГІНІҢ КЕЛІСІМІ БОЙЫНША ОБЛЫС ӘКІМІНІҢ ӘКІМІМЕН МӘЛІК ӘБДІҚАДЫРОВ МАҢҒЫСТАУ ОБЛЫСЫ ӘКІМІНІҢ ОРЫНБАСАРЫ ҚЫЗМЕТІНЕ ТАҒАЙЫНДАЛДЫ.

Мәлік Әбдіқадиров «Қайнар» университетінде құқықтану мамандығы бойынша, Ш.Есенов атындағы Каспий мемлекеттік технологиялар және инжиниринг университетінде мұнай-газ ісі бойынша білім алған. Ұлыбританиядағы Абердин университетінде құқық магистрі дәрежесін иеленген.

Ұзақ жылдар бойы облыстық прокуратурада қызмет етті, Қазақстан Республикасы бас прокуратурасының басқармаларында басшылық қызметтерді атқарды. «Западная курна-2», «Лукойл-Оверсиз» жобасы Ирак мемлекеті Басра қаласында, ҚР Табиғи монополияларды реттеу, ҚР Ұлттық экономика министрлігі бәсекелестікті және тұтынушылардың құқықтарын қорғау комитетінің департаментін басқарды.

2020–2024 жылдары – Ақтау қаласы әкімінің орынбасары, Маңғыстау облысының табиғи ресурстар және табиғат пайдалануды реттеу басқармасының басшысы, «Өзенмұнайгаз» АҚ бас директорының коммерциялық мәселелер жөніндегі орынбасары қызметтерін атқарған.

Осы уақытқа дейін Маңғыстау облысы әкімі аппаратының басшысы лауазымында болды.

Маңғыстау облысы әкімінің баспасөз қызметі.

• БҮГІНГІ САНДА

МАҢҒЫСТАУ ТУРИЗМІ: БАҒЫТЫ АЙҚЫН, МЕЖЕСІ БИІК



» 5

МАҢҒЫСТАУ ТЕАТРЫ ЫСТАНБҰЛ САХНАСЫНДА



» 8